

USUS E VERSU X.

- (1) *Ex nobis nil lucri accedit DEO: humiliemur igitur serio*: 1. Pet. V, 7. Rom. XI, 32. &c.
 (2) *Sanguinis humani effusio DEO placere nequit, neque etiam placare DEUM: hinc redempti sumus sanguine non meri hominis, sed seipsum offerentis Filii Dei*: 1. Joh. I, 7.
 (3) *Quò magis Dei omnisufficiantiam extollimus, nostramque miseriam deploramus, eò citius misericordiam impetramus.*
 (4) *Nostri corruptio non est laudis divina generatio.*
 (5) *Cadaverum pulvis haudquaquam Deum celebrat: celebrare tamen ipsum possunt defunctorum anima; uti constat ex Apocalypsi.*
 (6) *De Veritate DEI quoad promissa evangelica, nec non legales minas, vid. Locum de attributis divinis.*

USUS E VERSU XI.

- (1) *DEUS, etiamsi audiat universa atque singula, (Psal. CXXXIX, 4.) ut tamen benignè nos audiat, rogari debet humillimè.*

A (2) *De commiseratione divina vid. L. de attributis divinis.*

(3) *Auxilium à solo petendum sperandumque Deo.*

USUS E VERSU XII.

- (1) *De vicissitudine crucis & lucis jam dictum v. 6.*
 (2) *Manus Dei dextra mutare potest omnia: Psal. LXXVII, 11. adeoque luctum in choream, apud pios; choream in luctum, apud impios: Luc. XVI, 25.*
 (3) *Saccum deponimus, quando Deum respicientibus nobis in Christo reconciliatum persentiscimus.*
 (4) *Gaudio accingimur, quando spiritum filialem in cordibus testantem experimur: Rom. VIII, 15. 26. 32. Gal. V, 22.*

USUS E VERSU XIII.

(1) *Hymnos debemus benefactori Domino: ubi tamen imprimis gloria vel anima nostra devotè debet esse occupata, ut omnia fiant in spiritu & veritate: Joh. IV, 24.*

(2) *Silentium nobis imponi hic nequaquam patiamur, neque ex occupationum copia, nec deliciis minime mundi, &c.*

PSALMI XXXI. DISPOSITIO.

Spes non confundens. Me tibi commendo.

P Artes præcipuè sunt tres:

I. *Petitio liberationis è miseris fanè grandibus: ubi Psaltes deprecatur (1) confusionem: ne erubescam unquam vel perenniter, vers. 2. ratio: speravi in te: ibid. (2) rogat ereptionem: ratio: tu justus es, in præstando promisso, plectendisque impiis: ibid. (3) exauditionem, vers. 3. (4) liberationem celerem, ibid. (5) asyli concessionem seu protectionem, ibid. additur ratio: tu Domine, semper petra mea perfugiumque meum extitisti: vers. 4. (6) gubernationem, ratio: propter nomen famamque tuam: ibid. (7) educationem è reti, vers. 5. ratio: tu robur meum, ibid. (8) custodiam spiritus sui: in manus tuas commendo spiritum meum: vers. 6. ratio: (a) quia tu tum redemisti me, tum Deum veracem semper comprobasti te: ibid. quia (b) ego semper odi homines vanos, vers. 7. (c) speravi e contra in Domino: ibid. (d) gavisus sum ob tuam gratiam, miseras meas attendentem, &c. vers. 8. me hostibus non permittentem, vers. 9. sed libertatem denuò restituentem, ibid. (9) rogat commiserationem, vers. 10. ratio: anxius sum: ibid. contabuit vultus meus, anima mea, venter meus: ibid. vita mea absumitur, anni itidem, robur meum, ossa mea: ibid. opprobrio sum & inimicis, & amicis: vers. 12. oblvioni datus sum: vers. 13. sannas*

audire cogor, vers. 14. exhorresco tum hostium adversus me collectionem, tum exitii mei machinationem: vers. 14. Nihilominus persto in fiducia mea filiali immotus: vers. 15. certus, penes te meum stare tempus, vers. 16. (10) ereptionem è persecutorum injuriis, vers. 16. (11) illuminationem divini vultus, vel intuitum serenum atque gratiosum: vers. 17. (12) salvationem benignam: ibid. (13) confusionis averfionem: ne erubescam, Domine: vers. 18. ratio: invocavi te: ibid. (14) Hostium consternationem: ibid. (15) obloquentium obturationem: vers. 19.

C II. *Celebratio divinae bonitatis: ubi (1) exclamatio: quàm magna tua bonitas! partim timentibus recondita, partim sperantibus palam exhibita: vers. 20. (2) declaratio: per custoditionem contra fastuosos rixososque: vers. 21. (3) laudatio: benedictus Dominus: vers. 22. ratio: (a) mirificam securamque mihi exhibuit gratiam: ibid. (b) ancipitem & ferè desperabundum me exaudivit, vers. 23.*

III. *Adhortatio fidelium quorumvis: (1) ad dilectionem Domini: vers. 24. ratio: quia partim fidelem se probat, partim superbis pro merito rependit: ibid. (2) ad confortationem sanctamque animositatem in spe semel concepta: vers. 25.*

T

PSAL-